

Broj: 01-14-2316/17
Sarajevo, 21.04.2017. godine

Na osnovu člana 64. stav (1) tačka b), (najniža cijena tehnički zadovoljavajuće ponude), člana 70. st. (1), (3) i (6) Zakona o javnim nabavkama („Službeni glasnik BiH“, broj: 39/14), člana 20. Privremenog pravilnika o unutrašnjoj organizaciji Federalnog ministarstva za pitanja boraca i invalida odbrambeno oslobodilačkog rata, broj: 05-34-6506/13 od 20.01.2014. godine, broj: 05-34-4944/14 od 27.11.2014. godine i broj: 05-34-5123/15 od 13.11.2015. godine, na osnovu preporuke Komisije za javnu nabavku broj: 01-41-603/17-2 od 20.04.2017. godine, u postupku javne nabavke putničkih automobila za RVI 100% I grupe za 2017. godinu, federalni ministar za pitanja boraca i invalida odbrambeno-oslobodilačkog rata/federalni ministar za pitanja branitelja i invalida domovinskog rata, d o n o s i:

O D L U K U
o izboru najpovoljnijeg ponuđača za
“NABAVKU PUTNIČKIH AUTOMOBILA ZA
RVI 100% I GRUPA” U 2017. GODINI
- otvoreni postupak -

Član 1.

Prihvata se Preporuka Komisije za javne nabavke, broj: 01-41-603/17-2 od 20.04.2017. godine i ugovor za javnu nabavku putničkih automobila za RVI 100% I grupe za 2017. godinu dodjeljuje se **ponuđaču**:

Grupa ponuđača Porsche BH d.o.o. Sarajevo - INTER AUTO d.o.o. Tuzla, ponuda broj: 01-41-603-1/17 od 17.04.2017. godine, za ponuđenu cijenu od 1.491.000, 00 KM (slovima: jedanmilijončetiristotinedevestjednahiljada KM), bez PDV-a, kao najbolje ocijenjenom.

Član 2.

Prijedlog ugovora o nabavci dostavit će se na potpis izabranom ponuđaču Grupa ponuđača Porsche BH d.o.o. Sarajevo-INTER AUTO d.o.o. Tuzla, Bulevar Meše Selimovića 16., Sarajevo, po proteku roka od 15 dana, računajući od dana od kada su svi ponuđači obaviješteni o izboru najpovoljnije ponude.

Član 3.

Za izvršenje ove odluke zadužuje se i ovlašćuje Federalno ministarstvo za pitanja boraca i invalida odbrambeno-oslobodilačkog rata/Federalno ministarstvo za pitanja branitelja i invalida domovinskog rata.

Član 4.

Ova odluka objavit će se na web-stranici Ministarstva: www.fmbi.gov.ba, istovremeno s upućivanjem iste ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama.

Član 5.

Ova odluka stupa na snagu danom donošenja, i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 01-14-7174-3/16 od 30.12.2016. godine, redni broj nabavke:18, evidencioni broj javne nabavke:01-14-603/17.

Javna nabavka je provedena otvorenim postupkom.

Procijenjena vrijednost javne nabavke bez PDV-a je 1.500.000, 00 KM (slovima: jedanmilijonipetstotinahiljada KM).

Obavještenje o nabavci broj: 746-1-1-3-3-3/17 objavljeno je na Portalu javnih nabavki dana 02.03.2017. godine, sažetak obavještenja o nabavci objavljen je u „Službenom glasniku BiH“, broj:17/2017 od 10.03.2017. godine, kao i na web stranici ministarstva dana 02.03.2017. godine.

Komisija za javne nabavke imenovana je Rješenjem o imenovanju Komisije za javne nabavke broj: 01-41-135/17 od 16.01.2017. godine (“Službene novine Federacije BiH” broj: 7/17).

Komisija za javne nabavke dostavila je Zapisnik o ocjeni ponuda broj: 01-41-603/17-1 od 20.04.2017. godine i Preporuku o izboru najpovoljnijeg ponuđača broj: 01-41-603/17-2 od 20.04.2017. godine, u postupku javne nabavke putničkih automobila za RVI 100% I grupe za 2017. godinu.

U postupku po izvještaju o radu utvrđeno je da je Komisija za javne nabavke blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 2 (dvije) ;
- da su blagovremeno zaprimljene 2 (dvije) ponude;
- da su neblagovremeno zaprimljene 0 (nula) ponude;

- da je ponuda ponuđača: **Grupe ponuđača: Porsche BH d.o.o. Sarajevo-INTERAUTO d.o.o. Tuzla, prihvatljiva;**

- da ponuda ponuđača **BUNJO d.o.o. Sarajevo, Alipašina bb (Bare-Šip), Sarajevo, nije prihvatljiva iz sljedećih razloga:**

Jednoglasno se odbija ponuda ponuđača BUNJO d.o.o. Sarajevo, jer ne zadovoljava uslove propisane Anexom 5 tenderske dokumentacije.

Aneksom 5 Tenderske dokumentacije u kojem su navedene tehničke specifikacije koje ponuđeno vozilo mora ispunjavati propisano je: "Za ugovorni organ relevantne su kataloške vrijednosti date od strane proizvođača vozila." Iz kataloga koji je sastavni dio ponude ponuđača BUNJO d.o.o. vidljivo je da nisu navedene tehničke karakteristike za ponuđeno vozilo: TOYOTA, tip MC AURIS TS 1,6 VVT-i 5D A/T6 "Luna". U tački 8. alineja 18. Aneksa 5 Tenderske dokumentacije predviđena je "maksimalna prosječna-kombinovana potrošnja goriva 5,5 litara/100 km". U predračunu koji je dostavio ponuđač broj: 167/17 od 11.04.2017. godine za putničko vozilo Toyota, tip MC AURIS TS 1.6 VVT-i 5D A/T6 "Luna" navedena je slijedeća potrošnja goriva: "pot.goriva (l/100 km):5,6". Iz dostavljene ponude ponuđača BUNJO d.o.o Sarajevo evidentno je da tehničke specifikacije za ponuđeno vozilo: TOYOTA, tip MC AURIS TS 1,6 VVT-i 5D A/T6 "Luna" ne odgovaraju tehničkim specifikacijama navedenim u Aneksu 5 Tenderske dokumentacije broj:01-14-603/17.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača te ocjenu prispjelih ponuda, u skladu sa kriterijima iz tenderske dokumentacije.

U postupku ocjene provedenog postupka, federalni ministar nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javne nabavke.

Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskim dokumentom. Uvidom u priloženu dokumentaciju, nesporno je da je ponuda izabranog ponuđača tehnički prihvatljiva i najbolje ocijenjena zbog **najniže cijene tehnički zadovoljavajuće ponude, kako slijedi:**

Naziv / ime ponuđača	Ukupna cijena ponude bez PDV-a
1. Grupa ponuđača Porsche BH d.o.o. Sarajevo-INTER AUTO d.o.o. Tuzla	1.491.000, 00 KM

Izabrani ponuđač je izabran primjenjujući kriterij **najniže cijene tehničke zadovoljavajuće ponude**, koja je ponuđena u iznosu od 1.491.000,00 KM (slovima: jedanmilijončetiristotinedevadesetjednahiljada KM) bez PDV-a.

Iz navedenih razloga, primjenom člana 64. stav (1) tačka b) (najniža cijena tehnički zadovoljavajuće ponude), Zakona o javnim nabavkama, odlučeno je kao u članu 1. ove odluke.

POUKA O PRAVNOM LIJEKU

Protiv ove odluke može se izjaviti žalba, najkasnije u roku od 10 (deset) dana od dana prijema ove odluke.



Dostavljeno:

- 1.Ponuđaču: Grupa ponuđača Porsche BH d.o.o. Sarajevo-INTERAUTO d.o.o. Tuzla, ul. Bulevar Meše Selimovića 16, Sarajevo;
- 2.Ponuđaču: BUNJO d.o.o. Sarajevo, Alipašina bb (Bare-Šip), Sarajevo
- 3.Komisiji za javne nabavke
- 4.a/a